

Ishonch

Yurt taraqqiyoti yo'lidagi birlashaylik!

• O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan

Жавобини кутаяётган саволлар...

3-саҳифада ўқинг



Кун нафаси

26 февраль куни бўлиб ўтган телефон орқали мулоқотда Ўзбекистон Республикаси Президенти Шавкат Мирзиёев Туркия Республикаси Президенти Режеп Таййип Эрдоғанни қутлуғ 70 ёшга тулгани билан дилдан қутлади.

Президент Шавкат Мирзиёев 26 февраль куни техник жиҳатдан тартибга солиш тизimini ислоҳ қилиш бўйича таклифлар тақдимоти билан танишди.

26 февраль куни Президент Шавкат Мирзиёевга Ўзбекистон Республикаси Президенти хузуридаги Хавфсизлик кенгашининг кенгайтирилган йиғилишида берилган топшириқлар ижроси юзасидан ахборот берилди.

«Ёш китобхон» танловининг 2023 йилги мавсумида биринчи ўринни қўлга киритган китобхонларга Президент совғаси – «Кобальт» автомашинаси топширилди.

Мазкур танловда Самарқанд вилояти Жомбой тумани «Гут» маҳалласида яшовчи Наргиза Муҳаммадова 10-14 ёш тоифасида иштирок этиб, 417,4 балл билан мутлақ ғолиб бўлди. 15-19 ёш тоифасида Қашқадарё вилоятидан Мироншоҳ Нурматов, 20-30 ёш тоифасида Тошкент шаҳридан Гулжаё Солиева 1-ўринни эгаллади.

Иқтисодиёт ва молия вазирлигининг биринчи ўринбосари Илхом Норуқов ва USAIDнинг Ўзбекистондаги миссияси директори Дэвид Хоффман уртасида учрашув бўлиб ўтди.

Иқтисодиёт ва молия вазирлигида ўтказилган мазкур учрашувда ўзаро ҳамкорлик истиқболлари хусусида сўз юритилди. Шунингдек, унда ривожланиш мақсадлари тўғрисидаги битим кўриб чиқилди.



Бухоро вилояти

Ҳамкорлик

МЕМОРАНДУМ ИМЗОЛАНДИ

Ўзбекистон касба уюшмалари Федерацияси Бухоро вилояти кенгаши ҳамда Бухоро вилояти мактабгача ва мактаб таълими бошқармаси уртасида соғломлаштириш оромгоҳларида болаларнинг дам олишини ташкил этиш ва соғломлаштириш соҳасида ўзаро ҳамкорлик тўғрисидаги меморандум имзоланди.

Вилоят кенгаши раиси М.Олимов, мактабгача ва мактаб таълими бошқармаси бошлиғи Ф.Қурбонов, халқ таълими ходимлари ҳамда касба уюшмаси фаоллари катнашган тадбирда қайд этилдики, меморандум ўзаро ҳамкорликнинг мазмуни, йўналишлари ва тартибини белгилаб беради. Зеро, бу йил вилоятда таътил даврида болаларнинг вақтини сермазмун ўтказиш, билим ва иқтидорини ошириш, соғломлаштириш оромгоҳларига жалб этиладиган болалар сонини ошириш сингари қатор устувор мақсадлар кўзда тутилган.

Абира ИМОМОВА, Ўзбекистон касба уюшмалари Федерацияси Бухоро вилояти кенгаши мутахассиси

Салим АБДУРАҲМОНОВ «ISHONCH»

«Ishonch»га жавоб берадилар

МАКТАБ ҚУРИЛИШИГА ЖОЙ ҚИДИРИЛЯПТИ

«Ishonch» газетасининг 2024 йил 23 январдаги сониди «Йўлдош 16 «А» пойтахтнинг ўғай мавзесими?» сарлавҳали мақола чоп этилган эди. Унда аҳолининг Янгиҳаёт туманидаги «Йўлдош» 16 «А» мавзеси қачон ўз боғчаси, мактаби ва поликлиникасига эга бўлади?» деган мурожаати акс этганди.

Ушбу мақолага Тошкент шаҳар қурилиш бош бошқармасидан қуйидаги мазмунда жавоб келди: «Юқорида қайд этилган манзилда қурилиш ишлари олиб борилаётган 5 та кўп хонадонли тураржой биносининг 1-2-қаватлари мактабгача таълим ташкилоти сифатида қурилиб, давлат тасарруфига топширилиши белгиланган.

Тошкент шаҳар ҳокимиятининг 2021 йил 12 ноябрдаги 459-14-0-Қ/21-сонли қарорига асосан, Тошкент шаҳри, Янгиҳаёт тумани, «Хушнуд» МФЙ, 14-уй ёнида 250 қатновли оилавий поликлиника қуриш ишлари йил давомида якунланиб, фойдаланишга топширилади.

Шу билан бирга, давлат дастурига асосан, «Хушнуд» МФЙ ҳудудида мактаб биносига бўлган талаб ошиб бораётгани сабабли, Янгиҳаёт тумани ҳокимлиги билан биргаликда мактаб биноси қуриш учун ер танлаш ишлари олиб борилаётганини маълум қиламиз.

Ш.ДЎСТМУҲАММЕДОВ, Тошкент шаҳар қурилиш бош бошқармаси бошлиғи ўринбосари, шаҳар бош архитектори

Унда ҳудуддаги касба уюшмасининг ёш фаоллари маданият, спорт, туризм ҳамда Ёшлар агентлиги тизимларида меҳнат қилаётган ёш ишчи-ҳодимлар ва вилоятдаги олий ўқув юртли талабалари иштирок этдилар.

Мулоқотда касба уюшмалари томонидан ёшларни қўллаб-қувватлаш борасида олиб борилаётган чора-тадбирлар алоҳида эътироф этилди. Хусусан, тармоқ келишувлари, жамоа шартномаларига ёшлар учун қўшимча имтиёз ва кафолатлар киритилган. Бундан ташқари, ёшлар ўртасида спорт мусобақалари, маънавий-маърифий тадбирлар, танлов ва саёхатлар уюштирилмоқда. Жумладан, «Энг намунали ёш иш берувчи», «Энг намунали ёш бошланғич ташкилот», «Энг намунали ёш мутахассис», «Энг яхши меҳнат муҳофазаси бўйича ёш мутахассис» каби танловлар ёшларнинг иқтидорини, орзу-истакларини рўёбга чиқаришга хизмат қилмоқда. Ёш иқтидор эгалари учун грантлар ажратилмоқда. Ҳар йили ўнлаб талаба ёшлар Ўзбекистон касба уюшмалари Федерацияси стипендияси билан тақдирланади. Яна ўнлаб ёшлар касба уюшмалари тизимидаги сихатгоҳларда дам олдирилади.

«Раҳбар ва ёшлар» учрашувида



Учрашув

ЁШЛАР БИЛАН ОЧИҚ МУЛОҚОТ

Хоразм вилояти мусиқали драма театрида Маданият, спорт ва туризм ходимлари касба уюшмаси Республика кенгаши раиси Отабек Мусаев ва Ўзбекистон касба уюшмалари Федерацияси Хоразм вилояти кенгаши раиси Гулсара Қурбонбоевнинг ёшлар билан очиқ мулоқоти ташкил этилди.

бу каби тадбирлар ҳақида кенг маълумотлар бериб ўтилди. Ёшларни қизиқтирган кўплаб саволларга жавоб кайтарилди.

Шунингдек, касба уюшмалари фаолияти ҳамда мамлакатимизда ёшларга оид давлат сиёсати бора-

сида амалга оширилаётган ислохотлар тўғрисида викторина ўйинлари ўтказилиб, ғолиблар муносиб рағбатлантирилди.

Муҳаббат ТЎРАБОЕВА «ISHONCH»

Тошкент шаҳри



Олий таълим, фан ва инновациялар вазирлигига!

ЖИСМОНИЙ ТАРБИЯ МАШҒУЛОТЛАРИ КЕРАКМАСМИ?

Мамлакатимизда олий таълим даргоҳларида жисмоний тарбия машғулотлари деярли ўтказилмайди. Талабалар биринчи курснинг ярим йиллигидагина ушбу дарсларга қатнашади, холос. Ўқув йилининг қолган қисмида ёшлар фақат назарий ва амалий сабоқларга бириктирилади.

Жисмоний ҳаракатлар кишига тетиклик ва саломатлик бахш этади. Танаси соғлом кишининг билим олишга иштиёқи баланд бўлади. Ахир уйқуриб ўтирган талабадан кўра, кўзлари чакнаб турган, руҳан ва жисмонан тетик талабанинг маъруза тинглагани самаралироқ эмасми?!

Хўш, нима учун Олий ўқув юртлари таълим дастурларида жисмоний тарбия дарслари кескин камайтирилган?

Хусния ШОКИРОВА

Тошкент шаҳри

Самарқанд вилояти

Иқтисодиёт ва молия вазирлигига!

ҚОНУН ТАЛАБИ ҚАЧОН БАЖАРИЛАДИ?

Масала кўтариб, «қўриқ» очмоқчи эмасмиз. Бу ҳақда кўп айtilди ҳам, ёзилди ҳам. Аммо қонун талабини вазирлик тизимидаги «қўлоғига пахта тикиб» олган мутасаддиларга етказишимиз қийин бўляпти.

Оқибатда «Меҳнатни муҳофаза қилиш тўғрисида»ги қонуннинг бир қатор талаблари бажарилмасдан қолиб кетаяпти.

Жумладан, қонуннинг 12-моддасида ташкилотларда меҳнатни муҳофаза қилиш хизматларини ташкил этиш аниқ-тиник белгилаб қўйилган. Унда ходимларнинг сони элик киши ва ундан ортик бўлганда, меҳнатни муҳофаза қилиш бўйича тегишли тайёрликка эга бўлган мутахассис лавозими жорий этилиши шарт. Хўжалик ҳисобида фаолият юритувчи ташкилотларни қўя турайлик. Бу штат бюджетдан молиялаштирилган ташкилотларда ҳам жорий этилмаганига нима дейсиз? Масалан, мактаблар. Самарқанд вилояти мисолида олиб қарасак, бугунги кунда таълим даргоҳларида ўртача 50-90 нафаргача ўқитувчи фаолият кўрсатиб келмоқда. Улар меҳнатни муҳофаза қилиш масаласи эса жамоатчилик асосидаги назоратчиға юклатилган. Ваҳоланки, бу даргоҳларда қонунда белгиланган тартибда ойлик олиб ишлайдиган мутахассис лавозими жорий этилиши лозим. Аммо неча йилки, молия муассасалари томонидан турли баҳоналар рўқач қилиниб, штат белгиланиши орта сурилиб келинмоқда.

«Меҳнатни муҳофаза қилиш тўғрисида»ги қонун талаби қачон бажарилади?

Орифжон МИЗОМОВ,

Ўзбекистон касаба уюмлари Федерацияси Самарқанд вилояти кенгаши
Меҳнатни муҳофаза қилиш бўлими етакчи мутахассиси

Навоий вилояти

Ички ишлар вазирлигининг йўл ҳаракати хавфсизлиги бош бошқармаси ҳамда Ўзбекистон автомобиль йўллари давлат қўмитаси мутасаддиларига!

ҚАЧОНГАЧА НОҚУЛАЙ ЙЎЛЛАРНИ ДЕБ ПЕДАГОГЛАР САРСОН БЎЛАДИ?

«Тошкент - Нукус» катта магистрал йўлининг Самарқанддан Навоий вилоятигача бўлган қисмининг икки томонида юзлаб умумтаълим мактаблари жойлашган. Ҳар куни эрталаб соат еттидан саккизга қадар ўқитувчилар қўлида қизил байроқча билан навбатчилик қилиб, ўқувчиларни катта йўлнинг у томонидан бу томонига ўтказаяётганини кўпчилик кўрган. Ҳаттоки, ҳокимлар, йўл-патруль хизмати раҳбарлари, вилоят миқёсидаги катта лавозимли мутасаддилар ҳам. Эҳтимол, бундай ҳолатларга вазирлар ҳам гувоҳ бўлишгандир. Аммо ҳеч ким ушбу йўл атрофида жойлашган мактабларнинг ўқувчилари, ўқитувчилари учун ўтиш жойларини замонвийлаштириш, уларга қулай шароит яратиш ҳақида ўйлаётгани кишини ташвишлантиради.

Бундай эътиборсизлик, айниқса, қиш фаслида ёш болалар, ногирон ўқувчилар ҳаёти учун катта хавф туғдиради. Кексайиб қолган фуқароларимиз эса бу йўлдан бирор етакчи ёрдамисиз умуман ўтолмайди. Умуман олганда, Тошкент шаҳри билан Қорақалпоғистон Республикасини боғлаб турадиган магистрал йўлнинг кесиб ўтиш жойларида кунига юзлаб бахтсиз воқеаларнинг юз бериши оқибатида ўнлаб ватандошларимиз ҳаётдан эрта кўз юммоқда. Саволимиз шуки, магистрал йўл атрофида жойлашган мактабларнинг ўқитувчи ва ўқувчилари ҳамда бошқа йўловчилар учун қачон хавфсиз ва замонвий кесиб ўтиш жойлари ташкил қилинади? Радарлару светофорларни кўпайтириш бу масалага ечим бўладими?



Тўлқин ЎСАРОВ

Навоий шаҳри

Фарғона вилояти ҳокимлигига!

Фарғона вилояти

Фарғона вилояти Фурқат туманида 127 минг нафардан зиёд аҳоли яшайди. Аммо уларнинг ҳордиқ чиқариши учун истироҳат боғи йўқ.

ФУРҚАТ ТУМАНИДА ИСТИРОҲАТ БОҒИ БУНЁД ЭТИЛАДИМИ?

Шунча аҳолиси бор туманда нега одамларнинг сайр қилиб, дам олиши учун истироҳат боғи ташкил этилмаган? Фурқатликлар ва уларнинг фарзандлари қаерда ҳордиқ чиқариб, қаерда дам олиши ҳақида туман мутасаддилари ҳеч ўйлаб кўрганми?

Ўзи туманда одамлар дам оладиган истироҳат боғини ташкил этиш режаси борми? Бор бўлса, фурқатликлар истироҳат боғидан қачон баҳраманд бўлади?

Даврон АБДУВАХОБОВ

Фурқат тумани



Қашқадарё вилояти

Сир эмас, футболни ривожлантириш учун сифатли майдонлар зарур. Футболчилар сифатли майдонда шуғулланса, ўйнаса, ижобий натижа бўлади. Ўйинчиларда бор маҳоратини намойиш этиш, техник ва тактик томондан ўсишга эришиш имкони ошади. Аммо бизда сунъий ва табиий қопламали майдонларни тайёрлаш борасида асосан хориж компаниялари хизматидан, техника ва технологияларидан фойдаланилади.

ЯШИЛ МАЙДОНЛАР ЧИМИ ҚАЧОН ЎЗИМИЗДА ТАЙЁРЛАНАДИ?

Натижада салмоқли маблағ четга чиқиб кетмоқда. Адашмасам, суперлига жамоаларининг деярли ярми ҳар йили майдон чимини алмаштиради. Баъзи жамоаларимиз стадиони чими тайёр бўлмагани учун учрашувларини бошқа шаҳарларда ўтказишмоқда.

Шундай экан, Ўзбекистонда ҳам футбол майдонларини тайёрлаш ва ишлаб чиқариш бўйича корхона ташкил этиш вақти келди! Қачонгача миллиардлаб сўм пул четга чиқиб кетади?

Бу фақат менинг эмас, кўплаб ишқибозларнинг дилидаги гап. Чунки профессионал футбол клубининг асосий стадионидан ташқари 4-5 та сифатли машғул майдони бўлиши зарур. Бундан ташқари, жисмоний тайёргарликни маромига етказиш учун шаҳар четроғида ёки тоғли ҳудудда ҳам майдонларга эҳтиёж бор. Академияларда ҳам камидан тўртта сифатли майдон бўлса, нур устига нур. Буларга эса жуда катта маблағ сарфланади.

Ҳомийлар, футболга ажратилаётган маблағлар ҳисобидан битта каттарок корхона ташкил қилинса. Унинг негизидagi лабораторияда вилоятлар, ҳудудлар иқлими ўрганилиб, бизнинг қуёшга, ёмғирга чидамли майдонлар тайёрлаш бўйича таҳлиллар ўтказилса. Шунга кўра, майдонлар тайёрланса эди. Агар стадион чими, технологияси ўзимизда ишлаб чиқарилса, нархи ҳам арзон бўларди, албатта.

Мустафо ЭРГАШЕВ

Чироқчи тумани

Тошкент вилояти ҳокимлигига!

Ўзбекистон Республикаси Президентининг 2021 йил 5 августдаги «Чавандозлар мактаби фаолиятини ташкил этиш чора-тадбирлари» тўғрисидаги қарорининг 7-бандида Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари зиммасига Чавандозлар мактабларини ташкил этиш учун ер майдонлари ажратиш вазифаси юкланган.

ЧАВАНДОЗЛАР МАКТАБИ ҚАЧОН ҚУРИЛАДИ?

Қарорга мувофиқ, Тошкент вилояти Чавандозлар мактаби учун ҳам зарур бўлган ер майдони Нурафшон шаҳридаги «Наврўз» маҳалла фуқаролар йиғини ҳудудидан ажратилган. Шунингдек, унда мактаб учун зарур бино ва шарт-шароитларни яратиш ҳам кўзда тутилган. Бироқ у ерда 2021-2022 йилларда қурилиши керак бўлган бино икки йилдан буён пайсалга солиб келинмоқда. Айни пайтда Миллий Гвардия Тошкент вилояти бошқармаси ичкарисида фаолият юритаётган Чавандозлар мактабига кириш ва чиқиш тизим қатъий талабларига мос келмаслиги ҳақидаги эътирозлар пайдо бўлмоқда.

Чавандозлар мактабига ажратилган ерда мактаб бинноси қачон қуриб, фойдаланишга топширилади?

Нигора РАҲИМЖОНОВА

Нурафшон шаҳри

Хоразм вилояти

Хоразм вилояти ҳокимлигига!

УРГАНЧ ШАҲРИДА ҲАМ ЖАМОАТ ТРАНСПОРТИ ХИЗМАТИ ЯХШИЛАНДИМИ?



Республикаимизнинг барча шаҳарларида автотранспортлар сони ва ҳаракати ортмоқда. Бу муаммонинг ечимларидан бири сифатида жамоат транспорти хизматини кенг йўлга қўйиш таклиф қилиняпти.

Бирок бугун Урганч шаҳридаги автобусларга чиқсангиз, қулайлигиндан ноқулайлиги кўплигини ҳис қиласиз. Автобусларда йўловчиларга чипта берилмайди. Кондуктор йўқлиги туфайли пулни ҳайдовчига беришга мажбурмиз. Йўлқира ҳақи - 2000 сўм. Лекин кимдир 5000, кимдир 10 000 сўм пул узатади. Ҳайдовчи ҳар бир йўловчига қайтимларини берганича анча вақт кетади. Энг катта муаммо эса жамоат транспортлари учун тўхташ бекатлари йўқлигидир. Бу борада бир неча бор қилган мунозаҳаримиз ҳамон ечим топмасдан келмоқда. Автобуслар хоҳлаган жойда тўхтади. Йўловчи олади, йўловчи туширади. Бу, биринчидан, йўл ҳаракатига ҳалақит қилади, иккинчидан, вақт исроф бўлади. Тадбиркорлар хоҳишига кўра қурилган «Ақли бекатлар» эса ҳамisha кулф. Устига устак, бу бекатларнинг жойлашуви транспортлар тўхташи учун қулай эмас.

Айтинг-чи, Урганчда жамоат транспорти қатнови қачон тартибга солинади?

Юнусбек РЎЗМЕТОВ

Урганч шаҳри



